

Keller, Ernst

Crischon Ballermann, Garde- Landwehmann von't Stettin Batteljohn Plattdü
tsche Vertellzels ut'u franzö'schen Krieg von Ernst Keller

Stettin 1872

Eur. 694 d-354

urn:nbn:de:bvb:12-bsb11004190-2

Eur.
694 d
354

Crishon Ballermann,

Garde-Landwehrmann von't Stettiner Batteljohn.

Plattdütsche Vertellzels
ut'n franzö'schen Krieg

von

Ernst Keller.


Stettin, 1872.

Berlag von H. Dannenberg.

Em. 694² (354

Dombling





38

Erison Ballermann,

Garde-Infanterie-Mann von't Stettiner Bataillon.



Plattdütsche Vertellzels

ut'n franzö'schen Krieg

von

Ernst Keller.

Stettin, 1872.

Berlag von H. Dannenberg.

Buchdruckerei von E. Giese in Byritz.

Erklärung

...

...

...



Stettin, 1872


...

...

An miene lewen Lands-Lüd'!



Wenn ener good ward upgenoahm'n,
Denn pleggt he uck bald wedder koam'n.
Erischon wär Zu en lewe Gast,
Un doarüm glöw ick stief un fast:
Zi nehmt so'n ollen Landwehrmann
Noch enmoal fründlich up un an.
Un wenn Zu sien Bertell geföllt
Kann't sinn, dat he sich öfters mell't.



The entire text is mirrored bleed-through from the reverse side of the page. The title, which is the most legible part, reads "The entire text is mirrored bleed-through from the reverse side of the page." The rest of the text is too faint to transcribe accurately.

The entire text is mirrored bleed-through from the reverse side of the page. The text is arranged in approximately ten lines, but the individual words are illegible due to the low contrast and ghosting effect.

Bi Mutter Ballstädtſch.

„Si reden kloof!“ ſeggt Criſchon Ballermann,
„Wenn Si recht ſchön to Huſ bi Muttern ſitten —
Un up den Diſch de vulle Kaffeſann
Doa vör Ju hebb’n, un Sämel in to ſtippen;
Wenn pünktlich ſteiht dat Middag up den Diſch
Un Mutter extra för Ju broad en’n Fiſch,
Denn heet dat: Mutter! doa verloat Di drup,
Ick nehmt alleen mit ſös Franzoſen up.
Un wenn Si denn ſo aſ wi juſt nu hier —
In’n Krog bi Mutter Ballstädtſch mit ju Piepen
An’n warmen Daben ſitten, bi’n Glas Bier,
Denn kann dat kener von Ju recht begriepen:
Dat dit ſo lang doch duert mit den Krieg,
Un nich all Doag in’t Kreisblatt ſteht en „Sieg“;
Denn ſeggen Si: wenn wi man blot doa wär’n!
Wi wollen de Franzoſen loopen lehr’n.
Joa woll! Si ſinn de rechten Helden mi,
Ick will Ju dat dörchut joa nich beſtrieden,
Dat bi ’ne groote Joahrmarchts-Reilerie

Zi immer düchtig up den Posten blieben,
 Un dat Kuroasch von Zu en Jeder hett,
 Dat will ick glöben, dat is schön un nett;
 Doasör sinn Pommern Zi, so good as ick
 Un pommersche Kuroasch is Preußens Glück.
 Doch wenn Zi mein'n: dat müßt joa joahn ganz flink,
 Denn will ick Zu doch ganz wat Anners seggen:
 Zi weten 'n Quark doavon von sone Ding.
 Wenn Zi to Hus in't warme Bedd Zu leggen,
 Denn stoahn wi hunnert Miel'n von Fru un Kind
 Recht schön up Posten doa, in Storm un Wind;
 Un wat för Weder hebb'n wi immer hat?
 Bi Straßburg wär'n wi immer pudelnatt.
 Wi harr'n joa oft doa nich moal en Bund Stroh,
 Zi sülln Zu Nachts moal up den Rüggen leggen
 Un decken mit den bloten Buß Zu to,
 Denn mücht ick hör'n, wat Zi woll müchten seggen;
 Doabi nich moal wat Orndtlichs in dat Dief,
 Doa war'n den Düwel sülwst de Knoaken stief.
 Insektenpulwer wär uns uck man knapp,
 Doch desto mehr hebb'n wi Insekten hatt.“

„Fru Ballstädtich! noch söß Seidel bairisch Bier!
 Nu stött moal an un loat moal Crischon leben;
 Un Crischon! Du bliwst noch en beten hier,“ —
 Seggt nu Fritz Block — „Du müßt tum besten geben
 Wat All'ns in dissen Krieg Di is passeert,
 Un Zi sinn still nu, dat em kener stört.“

Na nu kumm her! un stöt mit jeden an,
 Hoch! dreimoal hoch uns Crischon Ballermann!“
 Na, Crischon wull doa ersten nich recht ran,
 He meint, sien Fru mücht dat to lang woll duern;
 Doch Friß de seggt: „ach wat! nu fang man an,
 Wenn uck Dien Dllsch hüt möt en beten luern,
 Un wenn Se schellt, denn segg Du man to ehr:
 Wi harr'n Schuld, Du künnst hüt doa nich för.
 Wi möten weten doch von A bet Z,
 Wo Di dat e'ntlich in den Krieg goahn hett.“

————
 Von Stettin noah Hannover;
 von Hannover bet an de Grenz.
 ————

„Na denn paßt up un hört mi an:
 Zi weten ick bin Gardemann
 Un dat bi 't erste Regiment,
 Wat Zi as broam un düchtig kennt.
 Ick stünn mit Michel Fichtenspohn
 Bi dat Stettiner Batteljohn;
 Mit Mann un Raß un Gottlieb Degen
 Harr ick tosoamen Orrer kregen.

Un Gottfried Bölk un Boahnemann,
 De müßten ditmoal uck mit ran.

Wi föhrten all bet noah Stettin,
 Mit enen Köster ut Bangsien
 Wüerd ick tosoamen doa quarteert,
 Un en fidelen Köster wärt,
 Wi hebb'n as richtige Saldoaten
 Uck footsten tru Kamroadschaft schloaten.

Wi käm'n nich utenanner mehr;
 In Reih un Glied, as in Quarteer
 Wär mit den Köster ick tosoam'n.
 Na dunn güng dat upt Fserboahn,
 As wi erst uns' Mundirung harn,
 Dunn heet dat: „nach Hannover fahrn.“
 Nu harr Ji dit Hurrah müßt hören,
 As mit uns af de Zug süll föhren.

De schönste Spoaß doabi wär dit:
 En halw Schock Frugens wullen mit,
 Se leeten 't sich dörchut nich wehren,
 Genoog se wull'n Enn mit uns föhren;
 De Boahnbeamten müßten ran
 Un hacken noch twe Woagens an;
 Doch as de Frug'nslüd rin sich packten,
 De Kerls de Woagens af glief hackten.

Wat wenten un wat lachten sehr
 Un doomit güng'n wi fläuten ehr.
 „Berlin“ un „Braunschweig“ heel'n wi an;
 Doa drängten denn de Lüd sich ran

Mit Zigarrn, Schnaps, mit Bier un Brod,
 Se leten uns an joarnischt Noth.
 Doch as wi kämen noah Hannover
 Doa wär dat mit dat Eten power.

Wi leegen bi en Koopmann in,
 Doa wär dat ganz gefährlich fien;
 Wi hebb'n bi Disch Salmgetten hat,
 Doch würd'n wi alle Beid nich satt.
 De Botterschneden wär'n so dünn,
 Dat man recht schön dörch kieken künn.
 De Köster säd: „ein pommerisch Wagen
 Ist in Hannover zu beklagen.“

Uck dehrn se uns doa sehr strapzeer'n
 Mit Scheeten un mit Exerzeer'n,
 Un mienen Köster Loadewig
 Bekäm dat Exerzeeren nich;
 De olle Jung de dehr mi leed,
 He kreeg glied Bloasen an de Föt;
 Doch as en rechten Kernsaldoaten
 Hett he sich kum dat marken loaten.

Ens käm he ganz vull Freuden an
 „Du! weißt was Neu's, Freund Ballermann?
 Zu uns kommt der Franzose nicht,
 Er hat bei sich schon Schacht gefriggt.
 Hast Du den Lärm noch nicht gehört?
 Es hat bei Weissenburg und Wörth

Schon ganz barbar'sche Wicks gegeben;
Schad' daß wir nicht dabei gewesen."

Dit Leben harr Zi nu müßt sehn,
As noahsten uck Gefangen käm'n;
Alles rönnte noah den Boahnhof rut,
Wo segen de Franzosen ut.
„Herrjeh!“ säd Michel Fichtenspohn,
„De schlappen Kerls wull'n uns wat dohn?
Wenn Frankreich nich noch hett ganz annern,
Denn kann mi Musche Lui jammern.“

„Wat meinst Du doato, Georg Mayn?“
„Lieb Vaterland kannst ruhig sein —“
Säd de, un fläut sich doabi wat,
Uck ick heww jon Gedanken hat.
Na schließlich käm noch disse Woch
Bon Mäkelburg de Grotherzog;
De harr uns doa to inspezeeren,
Of wi felddüchtig nu uck wären.

Dit wär, as mi noch hüt bewußt,
Gerood an'n dörteihnsten August,
An'n vierteihnsten wär Kirchgang nu
Un 'n söb'nteihnsten güngt noah Karlsruhe,
Bersteht sich mit de Iserboahn,
Un öwer Hamm un Köln ist goahn.
In Karlsruhe hebb'n wi Ruhdag fregen
Un in Quarteer bi 'n Gastwirth legen.

Dat wär en joa to fründlich Mann,
 De schleppte wat wi wünschten ran
 Un föhrte uns mit siene Pär
 Spazeern, de ganze Stadt ümher.
 Un noahsten sinn wi kneipen goahn,
 Wien Köster künn nich groad mehr stoahn,
 So harr he sich ens angemichelt;
 Wi hebb'n uck kannibalisch pichelt.

Dat dömlichste wär doabi hier,
 Erst drümf wi Wien un noahsten Bier,
 Un Köster Jakob Loadewig
 De dacht joa woll dat schoadte nich,
 Doch as in uns Quarteer wi wär'n,
 Dunn müßt he Kogebu studeer'n,
 Dre moal is he ut't Bedd rut schoaten;
 Ick künn de ganze Nacht nich schloapen.

Den annern Dag dunn wär 't erst schön,
 Dunn harr'n Zi blot Karlsruhe müßt sehn;
 Uns Wirth de weckt uns mit: „Ach Gott!
 Ein großer Sieg bei Gravelott;
 Man flink in die Kledaschen rein,
 Darauf muß doch getrunken sein.“
 Dit harrn wi nu moal nüdlich droapen,
 Wi wär'n Börmiddags all besoapen.

Un Dabends wär dat erst famos,
 Mit Fackelzügen güng dat los,

De ganze Stadt wär luter Licht,
 Doa hebb'n wi wat to sehen frigg.
 Musik wär fast de ganze Nacht;
 An Schloap hett fast ken Minsch doa dacht,
 Doch wi müßt uns bi Tieden drücken,
 Wiel wi früh Morgens ut sülln rücken.

Na dat wär nu en Zoddellie,
 Ach Gott wo krank doch wäeren wi,
 Dat ganze Batteljohn wär schlapp
 Un hett den Rattenjammer hat.
 Zum Glück güng't noch mit Iserboahn,
 Dat Loopen harr uck schlecht woll goahn;
 Nu künn' wi 't uns bequem noch moafen
 Un unsen Koater erst utschloapen.

Doch du'rt nich lang, dunn käm'n wi denn
 So mittemiel noah Rastadt hen;
 Mit Hurrah güng't dunn öwern Rhein,
 „„Lieb Vaterland magst ruhig sein!““
 Dat sungen wi mit Stolz un Lust
 Doabi, an'n twintigsten August,
 Als Frankreichs Grenzen wi betreden,
 De Köster hett den Dag anschreiben.

He säd to mi: „weist Ballermann,
 Wir komm'n nun bald nach Straßburg ran,
 Das ist die wunderschöne Stadt,
 Die Frankreich uns gestohlen hat;

So wahr ich heiße Ladewig!
 Wir weichen und wir wanken nicht;
 Paß auf, wir werden sicher siegen,
 Wir müssen Alles wieder kriegen.

Sieh Dir mal diese Gegend an,
 So weit Dein Auge reichen kann,
 Wie schön, wie herrlich ist das hier,
 Das war einst deutsch, das merke Dir,
 Die schöne Gegend rings umher,
 Der ganze Elsaß und noch mehr,
 Deutsch war's! und soll's auch wieder werden,
 Wir müssen siegen oder sterben."


„De Köster wär so luud doabi,
 Dat unse ganze Kumpanie
 Mit enmoal üm uns rümmer wär
 Un horckte to wat Loadwig sähr.
 Un de doa wat hebb'n von verstoahn,
 De is dat uck to Herzen goahn;
 As wenn he in sien Kirch dehr beden,
 So schön künn doa uns Köster reden.

Un wenn man sich ümfieken dehr:
 Mit Gottes Segen rund umher
 Wär Minschenfiet un Arbeit lohnt,
 Un de doa hoch in'n Himmel trohnt
 Of de woll wär mit inverstoahn,
 Dat sich de Minschen dood fülln schloahn?


Künn nich de ganze Welt in Frieden
Mit Dank to unſen Herrgott beden.

Wat harrn wi de Franzosen doahn?
Dat ſe ſich wullen mit uns ſchloahn;
Wat leeten ſe uns nich in Ruh
Un wat harrn ſe woll doavon nu?
En Jammer wär't mit antoſehn,
De ganze Inſchnitt ſtünn ſo ſchön,
Dat müßt nu Allens halw verdarben;
Wo trampelt wi do mang de Garben.

Un wi nehm'n uns noch ſehr in Acht,
Wenn man ſich doa nu rinner dacht,
Wenn hier bi uns harr de Franzos
Sich as he wull künnt loaten los,
Wo harr de Dart wull huſen mücht,
Wenn wi de harrn in 't Land rin kriegt;
Wenn dat uns Herrgott harr to geben
Denn harr'n wi hier wat künnt erleben.



Up'n Marsch.



Noch dat is hierbi Nebensach;
Wi müßten nu marscheeren
Recht ſtramm den ganzen lewen Dag,

Dat wi uck schlapp all wären;
 Un dösten dehr uns uck so sehr,
 Wiel uns dat Woater knapp man wär;
 Genog wi sehnten uns to Ruh
 Un doomit sull dat los goahn nu,
 Dat wär uns lew to hören.

Bischweiler heet dat erste Nest,
 Wo wi uns inquarteerten,
 Dat is binoah ganz ledig west,
 Beel Lüüd wärn utgereten;
 Se harr'n von Weissenburg un Wörth
 Hier de Kanonen dunnern hört;
 Mit Sack un Pack, mit Kind un Fru
 Wärn in de Barg se rinner nu,
 Un wi harr'n nischt to eten.

Son Dart Burmeister heet doa „Mähr,“
 Den'n holt wi ut de Bedden,
 Wo he vör Angst rin kroapen wär;
 De müßt uns denn nu seggen
 Wat wi to weten nödig harrn,
 Wo dat mit den Browgant süll warn
 Un wo noch Wien in'n Keller lag,
 (Dat käm so mit de Tied an'n Dag),
 Wi wulln doavör uns leggen.

Na ersten freeg'n wi Liefzung nu
 Un müßten uns wat foafen;

De Köster säd: „Crischon koch Du,
 Ich war uns Frier moaken.“
 Un Rad un Bölk un Boahnemann,
 De schleppten Holt un Nudeln ran;
 Drg Mayn — de joa to möd all wär,
 Säd: „koakt man to, ick mag nich mehr,
 Ich legg mi footsten schloapen.“

Hans Bemer, Gesch un Fichtenspohn
 Wär'n uck in unsen Koathen,
 De wulln uck alle drei nischt dohn
 As sich upwoarten loaten.
 Blot Crischon Küken käm noch an
 Mit Degen, de Beid müßten ran
 Bi't Nudelnschelln un Kaffe moahn,
 Un müßten mi uck Zwiebeln hoaln;
 Ich wull Broadnudeln koaken.

Na, Gottfried Bölk wär uck nich dunnn
 Upt Koaken un upt Eten,
 As ick fen'n Tröchter finnen kunn
 Den Kaffe dörch to geten,
 Langt he mi sien'n Broodbüdel her,
 De sich doa schön to passen dehr;
 De würd nu as sich dat gehört
 Doato för ümmer reserwert;
 Man möt sich Koath doch weten.

Doch as wi 't Eten t'recht nu harr'n
 Un wull'n uns nu recht plägen,

Dunn gewt Genroalmarſch un Allarm.

„Koz Schlag!“ ſäd Gottlieb Degen,

„Nu kümmt gewiß de Muſch Franzoſ;

Drg Mayn ſtoah up! nu geiht dat loſ.“

Drg öwerſt wär all halw in'n Schloap,

De ſäd: „ach wat Du biſt en Schoap,

Loop af, loat mi tofreden.“

Nu güng dat öwerſt heſt nich ſehn,

Mit Paſſen un mit Rüſten,

Doch aſ wi up den Plaz henkäm'n

Wo wi unſ ſammeln müßten,

Wär niſcht to ſehn von den Franzoſ,

Un wär uſ fünſten joarniſcht loſ.

Unſ Ollen wull'n man blot probeer'n,

Df wi woll up den Poſten wär'n,

Aſ of ſe dat nich wüßten.

Na, mit de ganze Koakerie

Un mit dat ſchöne Eten

Wär dat up ditmoal rein vörbi,

Drg har den Pot ümreten,

Aſ he in Haſt käm noah gerönnt,

Un nich mehr en Funſ Frier brennt,

Dat harren wi denn doavon nu;

Ganz falſch un hungrig güngt to Ruh,

Wi wär'n nich mehr to ſpreken.

Vör Straßburg.

Den annern Dag marscheerten wi
 Börsfötsch un lustig wierer,
 Dag ut Dag in, bald mit Musik,
 Un bald mit lustge Lieder
 Güng't vormwärts, Straßburg rechts vörbi,
 Wi füllu noah Holtheim, hörten wi,
 Un füllu doa Schanzkörw flechten.

De Grotherzog von Baden stünn
 Bi Straßburg mit sien Truppen,
 Dat wären prächtig Lüd, so schmuck
 Un drall as wi de Puppen,
 Se hoalten mit Musik uns in,
 Un groot Parood müßt nu jo sin
 Von wegen den Grotherzog.

Bet ungefähr Ausgangs August
 Hebb'n wi in Holtheim leegen,
 Doa wär'n de Lüd fast all to Hus,
 De Schreck harr sich all gewen.
 Se hebben uns dat Eten koaft
 Un wi hebb'n uns de Schanzkörw moaft,
 Un de Faschienen wickelt.

Un doomit schleppten wi torügg
 Bet noah Middelhausbergen;

Doa wöhlten in de Erd wi rüm,
 As Kubulds un as Zwergen,
 Doa müßten wi nu alle Mann
 Loopgroabens bug'n noah Straßburg ran,
 Dat wär en schön Stück Arbeit.

Herr Uhrich set in Straßburg drin
 So as de Boß in 't Ißen,
 Un dat he nisch mehr moaken künn,
 Dat wull'n wi em nu wiesfen.
 De Keil wär hellijch upsternoat,
 Un wär en düchtigen Saldoat,
 Dat is nich to bestrieden.

De Badner harrn all humberdeert
 Un uck den Boahnhof noahmen,
 Nu wull'n wi, as sich dat gehört,
 En beten neger foamen;
 Den'n Musch Franzos wär nich to trug'n,
 Drum müßt wi noch Battrieen bug'n,
 Wi wull'n em nu beloagern.

Herrn Uhrich wär dat sehr fitoal,
 Dat wi em so ümstellten;
 He wull all rute en poar moal,
 As't Badner uns vertellten;
 Doomit harr dat nu nich mehr Noth,
 Wi harr'n em fest, un dat wär good,
 He künn nich mehr utkniepen.

Uns süll dat öwer 't Lief nu goahn,
 In den infahnten Regen,
 Mit Schanzen bug'n un Posten stoahn,
 Doa hebb'ns uns ranner freegen.
 Wi harr'n nich Ruh moal in Quarteer,
 Wiel dat Alarntostand denn wär;
 Wat dat is, war Zi weeten.

Von ganz Middelhausbergen wär
 Denn uck fen Minsch to spräken,
 As de oll Pastor un de Mähr,
 De Annern wär'n utknepen.
 Wi müßt uns werrer sülvst ranzner'n,
 Un unse Koakkunst utprober'n,
 Wenn wi wat Warm's wull'n eten."

„Na nu man still! nu holl moal stopp,
 Ich möt di unnerbreken,
 Nimm man nich öwel,“ — seggt Frik Block,
 „Du bist nu groad bi't Eten,
 Un dorüm stöt man ersten an
 Un drink moal to, Fründ Ballermann,
 Du möst Dien Kehle erst schmeeren.“

„Frik Block hett Recht,“ säd Schnieder Blink,
 „Du redst Di joa ganz heiser;
 Kumm her, stöt an, Crischon, un drink.
 Hoch Dütschland un uns Kaiser!
 Fru Ballstädt'sch noch söß Seidel her.“

„Ach loat doch sinn, ick mag nich mehr,“
Säd Crischon, „ick möt lopen.“

„Ach wat Du dröhnst,“ säd Schofter Pech,
„Vertell doch nu man wierer,
Wi loaten Di hüt doch nich weg.“

„Ne,“ seggt nu Blink, de Schnieder,
„Dat helpt Di nich, Fründ Ballermann,
Steck Di man noch en Cigarrn an,
Un loat Di nich so quälen.“

„Dien Kleeheu triggst Du doch noch rin,
Dat will'n wi Di woll moafen,
So droadt as't Morgen Dag ward sinn,
Hüt goahn wi nich mehr schloapen;
Wi helpen morgen All' doabi,
Un Sondag sind Zi all bi mi,
Nu möst Di uck nich zieren.“

„Denn helpt dat nich, denn möt ick woll,“
Säd Crischon nu entschloaten,
„Ick denk uck woll, to Hus mien Dll
De ward nu uck woll schloapen.
Un en Nacht dörchgoahn is nich dull;
Doch öwerst wat ick seggen wull,
Wo sinu wi stoahn denn blewen?“

Se so! as wi an't Dörp ran wär'n,
Harr uns Herr Ubrich mittert,
Un dehr uns sienen Gruß bescheern

Dat gief de Erdbod'n zittert.
 He grüßte mit Granoaten uns,
 Doch güng dat nich noah sienem Wunsch,
 He künn uns nich recht langen.

Doch wiel de Soak to muslich wär,
 Müßt ficks in't Dörp wi rücken;
 „Flink Kinder!“ säd uns Rummandör,
 „Wir müssen uns hier drücken,
 Wir stehen hier zu bloß und blank,
 Wir werden später unsern Dank,
 Für diesen Gruß entrichten.“

Uns würd'n se nu to viertig Mann
 In'n Buerhof quarteeren;
 Dat güng nu knapp un schlecht noog an,
 Wiel't nich to wenig wären.
 Zwölf käm'n in't Schühn un zwölf in'n Stall,
 Un up den Böhn de Annern all,
 De Stum de kreeg uns' Hauptmann.

Friünd Loadwig säd to mi: „oll Söhn,
 Du will ick Di wat seggen:
 Wi will'n man boaben up den Böhn
 Uns bi de Annern leggen.
 Mi paßt de Stall nich un de Schühn.“
 „Je!“ säd ick, „Du bist man to fien,
 Du heft Beamten-Rücken.“

Na, ick füll footst up Dörpwach nu,
 Un Loadwig füll nu koafen;
 „Na also Reis und Speck dazu“
 — Säd he — „ick will't woll moafen,
 Un noahsten bringe ich Dir wat.“ —
 He schnack't bald hochdütsch un bald platt,
 So as't em groad dehr passen.

Ich säd em noch genau Bescheid,
 Wo he dat nu füll moafen.
 „Ach“ seggt he, „dat is Kleinigkeit,
 Denkst Du ick kann nich koafen?
 Ich kann' das auch so gut als Du,
 Geh man auf Deinen Posten nu,
 Sonst friegst Du noch gerüffelt.“

Na ick betreck nu miene Bach,
 Söß Stunden füll dat duern.
 „Ich bringe bald Dir Essen nach,
 Du fast so lang nich luern.“ —
 Säd Jakob — „schön!“ segg ick, „man to,
 Mi knurrt de Moagen uck all so
 As harr ick drin jung Hunnen.“

He heel denn nu uck richtig Woort;
 Twe Stund'n blot müßt ick fasten,
 (Dat güng noch flink up siene Dart)
 Dunn bröcht he mi den Brasten.
 He harr sien ganze Kunst anwendt

Un richtig mi den Riez anbrennt,
Dat wär nich to geneten.

Du Schoapstopp! säd ick, wat is dit,
Is dat Dien Kunst von't Roafen?
Denn nimm Dien Kunststück wedder mit,
Ick hew mi satt dran roafen.
„Je“ — spizt he — „Du bist man to fien,
Dat fall man Enten-Broaden sinn;
Du hest Spießbürger-Rücken.“

Süh so, doa harr ick nu mien Fett,
Doa künn ick nu dran rüfen;
Fründ Loadwig wär hüt wirklich nett;
He wull sich sacht nu drücken.
„Na“ — segg ick, „schämst Du Di denn nich?
Mi hungert hier ganz mörderlich
Un Du wist mi verloaten?“

„Na kief moal“ — seggt he — „Ballermann,
Erst dehrst Du mi verachten
Un noahsten floagst Du mi denn an,
As leet ick Di verschmachten.
Sast sehn, dat ick nich schlecht kann sinn.“
Dunn langt he in den Bussen rin
Un hoalt twe Flaschen rute.

Den'n Düwel uck! Du hest woll Wien?
„Joa woll“ — säd he — „un gooden,

Ich weet, Di is dat hellschen sien
 Um't Mundstück rüm to Moden,
 Drüm schafft ich wat Apart's mi an.
 Wat seggst Du nu, Fründ Ballermann?
 Dit warst woll nich verachten."

Na, 't wär keen Wien, dat wär man Bier,
 Wat Uns' sich harren röwert;
 Se harrn de groote Bruerie
 In Schiltigheim utstöwert.
 Doa leegen groote Kellers vull
 Von't schönste Bier, in Tunnen,
 Un wenn dat uck nich recht sind full,
 Wi harr'nt doch enmoal funnen.

Doa öwern Kirchhof güng de Weg,
 De wär schlecht to passeeren;
 De feindlichen Granoaten dehrn
 Uns eklich doabi stören.
 Doch wem man düchtig dösten deiht,
 De ward sich uck nich grugen
 Un ward bi son Gelegenheit,
 Uck keen Granoaten schugen.

Wi hebb'n noch männig Tunn uns hoalt,
 Offchonst de Kugeln flizten,
 Dat uns doabi so männig moal
 An'n Helm de Splittern sprizten.
 Dat schoadte nich, wi harren Glück.

Blot ens hett't uns bedroagen,
 Doa is uns jon Granoatenstück
 Groad in de Tuun rin schloagen.

Koß schlag! wo pruscht dat Bier ümher.
 Un noch en woahren Seegen,
 Dat kener recht schlinn droapen wär,
 Blot Naß freeg ens an'n Brägen,
 De Spund sprikt groad em in't Gesicht.
 „Na!“ säd he, „loat't dat Nahren —
 Den Schlag leet ick em schoaden nich,
 Wenn wi uns' Bier man haren.“

Ganz ledig wull'n wi doch nich goahn,
 Drüm würd'n ohn lang to zittern
 De Stücken von de Tuun mitnoahm'n
 Un all de grötsten Splittern;
 Wiel uns to knapp dat Brennholz wär,
 Wi brukten't joa tum Koafen.
 De Kugeln juhsten üm uns her,
 Wi hebb'n nischt liggen loaten.

Doch mien Bertellzel ward am Tun to lang,
 Wi kön'n doch nich acht Doag hier sitten bliemen;
 Sünst bring'n uns unse Wiemer up den Gang,
 Drüm will ick man in Kortten noch beschriemen,
 Wo dat bi de Beloag'ring ungefähr,
 Und mit uns Lebensoart güng en'tlich her.

Wi freegen up den Dag doa teihn Loth Riez,
 En good Bund Fleesch, wo wi uck noog dran harren,
 Drüdhalm Loth Kasse un noch öwerdies
 En halw Bund Speck, doato noch fief Cigarren.
 De Cigarr'n harr'n se nu woll können spoart,
 Denn dat wär man son Liebensgaben-Dart.

Wi richt'ten uns doomit nu hüsllich in,
 'T leet sich nich fien, doch leet't sich leidig leben.
 Wi hoalten Nudeln uns von't Feld herin,
 Un Dast un Wien un Zwiebeln hett't noog gewen;
 Un öwerdem harr'n wi towielen uck
 Von Quetschensaft*) en rechten schönen Schluck. —

Dat Tügs dat schmeckte würklich joa to schön
 Un is uns good befoamen in den Regen,
 Doa in de ollen matschigen Trangscheen,
 Wo wi so achtunviertig Stund'n drin legen.
 Na denn son forte Rast, dat Gott erbarm
 Un noahsten noch twölf Stunden in Allarm.

Denn wedder an de Arbeit up twölf Stund'n,
 Un bi all'dem, wenn moal ens nich würd schoaten
 Hebb'n wi dat Enerlei langwielig fun'n,
 Dsschonst wi up de Bach uck spelten Koarten.

*) Zwetschgensaft, ein aus Pflaumen bereiteter Schnaps, der in dortiger Gegend viel getrunken wird und sehr wohlschmeckend ist.

Wi hebben in de Loapgroab'us broadt und foakt,
Un allerhand dumm Tüg un Unsinn moakt.

Na Zeitung'n käm'n jo uch mitunner ran
Un bröchten uns wat't jünsten Niegs harr gewen;
En dücht'gen Utsfall bröcht uns af un an
In unsen Trubel wedder nieges Leben.
Den ersten Utsfall harn'w noch in August,
As't erste Parallel' wi bugen mußt.

Anfangs September wär dat öwerst nett,
Unf' Batteljohn harr in't Trangscheen to wachen,
As uns Major vergnügt käm angesett't:
„Hört! Kinder hört! ich bringe wicht'ge Sachen:
Soeben hab' Depesche ich empfang'n,
Bei Sedan ist Napoleon gefang'n.“

„Hurrah!! unf' König de fall leben! hoch!!“
So brust dat nu as wi jon Ungewitter;
Un doomit was't joa nu noch lang nich noog,
Victoria würd schoaten, dat't so zittert.
In Straßburg hebben de Franzosen dacht:
Dat süll tum Storm los goahn in disse Nacht.

Denn anners kün'n se sich dat nich erklär'n,
Worüm jon Mord-Skandoal wi dehren moaken;
Herr Uhrich wull sich öwerst doch noch wehr'n
Un wull uns doarüm öwerrumpeln loaten.
Natürlich is dat schlecht genoeg em glückt —
Wi hebb'n de Bengels schön torügg em schickt. —

Solang harr uns dat immer noch so glückt,
 Uns Batteljohn harr noch keen'n Mann verloren.
 Doch as wi'n „achten“ up de Wach würd'n schickt,
 Dunn freeg'n uck uns de Kugel bi de Ohren
 Un glied't toerst feel uns good „Polensky,“
 Mien beste Fründ von't ganze Kumpanie.

Doasör käm'n hüt uck unse Mörser ran
 Un wieldeß ick dehr mienen Fründ betruern,
 Schlög'n unse Bomben an de Festung ran
 Un sprengten Breschen in de ollen Muern.
 Bör dissen Larm künn man keen Wort verstoahn,
 Dat wär as wenn de Welt süll unnergoahn.

De Nacht tum Elften würd'n wi allarmirt,
 Herr Ubrich wull en grooten Utfall moaken;
 Tum Glück hebb'n wi so veel nich doavon spürt,
 Uns' Maykäwers de harrn den Broaden roaken,
 Un harren de Franzosen schön ens wischt,
 Mit unse Hülp doa was dat ditmoal nischt.

Wi käm'n to spääd, de Weg de was to schlecht,
 Doch harren se barbarisch sich bi'n Kroagen,
 Un as uns de Maykäwers noahsten seggt,
 Harr'n uck de Boadner niederträchtig schloagen;
 De Bengels hauten öwerhaupt good drin —
 Un uck de Württemberger wären schlimm.

Den Morgen drup harrn Wach wi in't Trangscheen,
 Wo all de Dooden un Berwundten leegen.

En Grugel wär dat doch mit antosehn,
 Wo jammerten de Kranken uns entgegen.
 Up ene Stund gew dat nu Waffenruh
 Un de Straßburger kämen rute nu.

Se hoalten sich nu ehre Lüd herin,
 Wo unse Dokterz ehr bi helpen dehren,
 Un wat von ehr de kämen bi uns rin
 Un mull'n doa woll en beten spionieren,
 Wo stark wi woll in unse Groabens wär'n,
 Dat süll ehr de Gelegenheit glicf lehr'n.

Jedoch uns Hauptmann bröcht je up den Draf,
 Se harren nisch nich doa bi uns to söfen.
 He säd französch un dütsch to ehr: „Koz Schlag!“
 Wat hebben Zi denn hier herrüm to spöfen,
 Moakt dat Zi juge Dooden frieg'n to Ruh,
 De Waffenstillstand is afloopen nu.

Un kum wär ucf de ene Stund man üm,
 Dunn gung dat wedder los mit Bombardeeren.
 Wi möhlten doa in de Loapgroabens rüm,
 Wo öwern Kopp se uns wegicheeten dehren.
 Wi koakten ruhig Eten uns doabi
 Un icf wull hen un hoalen Zwiebeln mi.

Org Mayn un Lucht, de kämen ucf noch mit,
 Se wullen mi alleen nich loaten loopen.
 De Zwiebeln stün'n von uns son hunnert Schritt
 Up't Feld; kum doa — hör'n wi all noah uns roopen:

„Nehmt Zu in Acht, de Kackers zielen all
Mit de oll Büffen doa von ehren Wall.“

Un richtig! kum harr'n en poar Dinger wi,
As uck de Kugeln dicht bi uns inschlögen.
Org Mann seggt: „Grishon, fall ick rooden Di,
Denn moaken wi uns weg von hier in'n Drögen,
Denn rein üm en poar olle Zwiebeln hier
Sien Leben loaten, is doch keen Bläfir.“

„Org Mann hett Recht,“ säd nu uck sien Fründ Lucht,
„Wi kön'n uns joa hüt Dabend mehr utroapen,
Denn will'n wi uns! — den Düwel uck! verflucht!
Ick glöw de Kackers hebben mi all droapen.“
'T was richtig, Lucht harr ens in't Been;
Wi schleppten fiëks em rin in de Trangscheen.

Nu freegen wi noch utlacht boaben in.
Hans Bemer säd: „dat kann ju joanich schoaden;
Wem ward denn uck noah Zwiebeln leckrig sinn,
Wenn ener Bohnen kriegt doabi in't Woaden.
Stippt Zu dat Fleesch in Sult, dat schmeckt joa uck,
Un wenn't nich schmeckt, denn drinkt doato en Schluck.“

Na mit Batt'rien un Schanzenbug'n
Würd'n in diss' Lied wi fertig;
De Straßburger würd nu all grug'n
Se wär'n den Storm gewärtig.

Se antwort'ten uns tämlich schlapp
 Wat dat belangt mit Scheeten,
 Ehr wär de Munitschon woll knapp —
 Wem kann dat so prick weten.

Wi füllen nu noah Eckwerthshheim
 Un müßten ümquarteeren.
 Dörch „Mundols — Lamperts — Bendenheim“
 Müßt wi den Dag marscheeren.

Kum öwerst harr dat Uhrich sehn,
 Dunn schickt he sien Franzosen;
 He dacht joa woll: dit paßt sich schön —
 Na nu man rut Franzosen!

Uns güng diff' Utsfall nischt mehr an,
 Doch dürft he nich gelingen;
 Uns Aflösung — de all wär ran —
 Müßt dat in Ordnung bringen.

Wi hulpen nich bi disse Schläg
 Un dehr'n uck gern verzichten.
 Wi sung'n un fläut'ten unnerweg
 Un Loadwig freeg dat Dichten. —

He harr all sied de Schlacht bi Wörth
 En plattdütsch Lied anfangen,
 Bier Wochen harr he drup studeert
 Un hüt was't em gelungen.

Up Randewuh müßt he nu uck
 Dat Ding tum Börschien bringen;
 Ich hemw't noch in mien Taschenboof
 Un will't Ju vör moal singen.

Lied von Köster Loadwig.

Melodie: Pithähnefen! Pithähnefen!
 Wat kümmt up unsen Hof.

Ach Luifen! ach Luifen! wo ward di dit nu goahn?
 Hett di denn Benedek nich seggt, dat wi nich Spoaß verstoahn?
 Turcos un Kugelsprizen
 Dat ward di all nich nützen;
 Ach Luifen! ach Luifen! wo ward di dit nu goahn.

Ach Luifen! ach Luifen! wo is dien Mac Mahon?
 De as de natte Budel leep bi Weissenburg doavon,
 Du dacht'it, de süll uns freten,
 Nu is he utgereten;
 Ach Luifen! ach Luifen! uns schreckt keen Mac Mahon.

Ach Luifen! ach Luifen! dat is för dat funa'ner'n,
 Du warst woll nich in Königsbarg den Frieden uns dikter'n,
 Du kannst to Hus man lopen,
 Sünst gift dat Schacht noah Noten.
 Ach Luifen! ach Luifen! loat di den Buckel schmer'n.

Ach Luifen! ach Luifen! dien Strampeln ist unisüß,
 So lang' bi uns noch scheeten deiht
 Kanon' un Noadelbüß —

So lang' wi noch kön'n fechten
 Blist dütsch de Rhein mit Rechten.
 Joa Luiken! joa Luiken! dat glöw mi ganz gewiß.

Ach Luiken! ach Luiken! wo wacklich ist dien Thron,
 De ward nich mehr to flicken sind, paß up, du frigst dien Lohn;
 Nu kannst Du man inpacken,
 Wi sind di up de Hacken.

Ach Luiken! ach Luiken! dit kost't di dienen Thron." —

Son Dinger hett he veel noch schreb'n,
 He wull Poet nu waren —
 Un wenn he'n Stück Papier wo freg'n,
 Denn dehr he't uck beflaren.

Na! as mit Loadwig sien Gedicht
 In Eckwerthshheim wi toagen,
 Dunn kreeg mi de infahmte Sicht
 Ganz mörderlich bi'n Kroagen.

Ich müßte rin doa in't Loaz'reth;
 Dat dehr mi sehr verdreten,
 Wiel't groad diss' Doag veel geben hett
 Bör uns to haun un scheeten.

Den'n annern Dag bröcht Fichtenspohn
 Gesellschaft in mien Timmer.
 „Blessirten“ von uns' Batteljohn;
 Na nu dit bet Gewimmer. —

Ick künn't nich hör'n, ick heel't nich ut,
 Un harr dat kost mien Leben;
 Ick säd tum Dokter: ick will rut
 Mien Nieten hett sich gewen.

Dat dit nich woahr wär, künn he sehn;
 Ick künn kum stoahn, kum krupen.
 Doch säd he blot: „na das ist schön,“ —
 He müßt mien'n Plaz uck brufen.

Nu harrn wi immer tämlich wiet
 Noah Straßburg to marscheeren,
 Wo unse Lüd de ganze Tied
 Up de Trangscheen-Wach wäeren.

Doch schoaten würd nu mörderlich;
 Bör dat oll Bombardeeren,
 Künn man sien egen Woort oft nich
 Un keen Komando hören.

En Bomben-Ding flög bi uns rin,
 (Tum Glück oahn gliet to springen)
 En Attolrist — de dicht bi stünn —
 Säd: „töw! Di war ick bringen.“

Un packt mit blote Händ' dat Deert
 Un schmet et rin in'n Groaben —
 Wo denn dat Beest uck gliet kreppeert —
 Doch künnnt uns doa nich schoaden.

Ich harr den Bengel pussen mücht,
 Denn son Kuroasch is zünftig.
 He hett dat isern Krüz uck friggat
 Un dat is uck vernünftig.

Uns' „Bierundreißiger“ de füll'n
 Nu noah de oll Lünetten,
 Üm doa de Groabens uttosfüll'n,
 Dat wi kün'n röwer setten.

Se schleppten von de Iserboahn —
 Nu Schien'n un Holt in Massen,
 Un allerhand son ollen Kroam
 Wat sich doata dehr passen.

Nu öwerst güng en Scheeten los,
 Dat is nich to beschrieben,
 Denn in de Schanz, de Musch Franzos
 Wull den Besök nich lieden.

In'n ganzen Feldzug heww'ck nich mehr
 So veel Patron'n verschoaten
 As hüt, dat güng uck gruglich her;
 Se wull'n de Schanz nich loaten.

Doch wi wull'n mit Gewalt nu ran;
 Uns wär dat nu all öwer
 Un as de Dabend rüchte an,
 Dünn güngt mit Hurrah röwer!

Ich wull de Erst sinn, leep vörut
 Mit Rack un Gesch un Wemer,
 Mit enmoal fall ich up de Schnut
 Un öwer mi güngt röwer.

Harr ich de Gicht nich hat in't Lief,
 Harr ich mi up woll rappelt;
 Nu öwerst wär ich veel to stief
 Un leeg nu doa un zappelt.

Uns' joagten de Franzosen rut
 Und nehmen fief Kanonen;
 Fründ Loadwig lacht mi noahsten ut
 As harr ich mi wullt schonen.

Wenn dat uck man sien Spoaß füll sinn,
 Ich künnt em nich vergeten,
 Wiel ich doarin to kydlich*) bin;
 Ich koakt em nich mehr't Eten.

Von Uns' wärn dre Mann licht blesfert.
 Uns Aflösung kām ranner
 Un wi kün'n as sich dat gehört
 In uns' Quateer nu wannern.

Den dreiuntwintigsten fülln wi
 Nu wedder ümquateeren,

*) kydlich.

Un de Nacht drup dunn müßten wi
In de oll Schanz campeeren.

Doa was denn uck nich goode Tied;
Ut Straßburg bumbardeerten
De oll Franzosen eklich hüt,
Wiel se woll Unroath spöhrten.

Wi rüekten ehr to dicht all ran —
Dat wull ehr nich behoagen.

„Dood“ harren wi hüt enen Mann
„Blesseert“ acht — to bekloagen.

Doch nu käm'n Liebes-Goaben an,
De bröchten nieges Leben
Un frischen Mood för alle Mann;
Wat hett dat doa all gewen!

Wie kreg'n Toback un Strümp un Seep*)
Un Wien un uck Cigarren;
Uck Kongak, na de Kuckuk weet
Wat wi noch Allens harren.

Wenn uns dat All uck nödig dehr,
Freut hebb'n uns de Geschenken
Doch all to hoopen nich so sehr,
As dat's an uns dehrn denken.

*) Seife.

Uns wär to Mood, as wenn son Kind
 Sien Christ-Bescheerung freegen,
 Wi acht'ten hüt nich Storm, nich Wind
 Un danzten rüm in'n Regen.

Den fiesuntwintigsten wär't schlimm,
 Wi harren groad to woaken*) —
 Un Ubrich dacht in sienen Sinn:
 Sast moal en'n Utfall moaken.

Ditmoal güngt öwer uns nu her,
 Se dachten dörch to breken;
 Jedoch up sone Dart, doa wär
 Mit uns nu nich to spräken.

Dat seegen de Franzosen in;
 As se den Broaden roaken,
 Dunn fehrten se ucf ganz ficks üm;
 Mit uns wär nischt to moaken.

Berlust up beiden Sieden wär
 Doabi blot ruter foamen,
 Un an Terreng — harrn ungefähr
 Wi dörtig Schritt uns noahmen.

Untroffzier Weg'ner harr mit mi
 Dahn Deckung stoahn — un schoaten;

*) Wachen.

So hundertsechszig Schuß harrn wi
Afgewt, dunn würd he droapen.

De Kugel harr den Kopp dörchbohrt.

„„Mien Fru! mien armen Rinner!““

Köp he — dat wär sien letztes Wort.


Ich bröcht in't Schanz em rinner.

Mi würd doabi ganz schlecht to Mood.

Wat is son Menschenleben? —

Ich kenn sien arme Fru recht good

Un hemw ehr Noahricht gewen.



Den söbuntwintigsten wärt fein;

Dunn kamen Liebes=Goaben

Bon den Berliner Hülfz=Berein;

De wärn uns nich tum Schoaden.

So kām de „söb'nuntwintigst“ ran,

Hurrah!! wär dat en Leben,

As endlich kām de Noahricht an:

„De Feind wull sich ergeben!“

Na! nu hett sich denn etwas doahn. —

„Straßburg will cap'tuleeren!

Bon'n Münster weiht de mitte Joahn!“

Nischt anners wär to hören.

Na, son Galloh war ick nich mehr
 All miene Doag erleben;
 As wenn de wille Jagd los wär,
 Son Larm hett dat doa gewen.

Denn mang uns' Freud, doa mischt sich dat
 Wat Mitgeföhl mag heeten,
 Wi brukten nu de schöne Stadt
 Nich ganz in'n Grund to scheeten. —

Wi wüßten, dat se dütsch moal wär
 Un süll't uck wedder waren;
 Dat wär uns Freud — un nu de Ehr,
 Dat „wi“ se noahmen harren.

„Joa endlich, endlich! Gott sei Dank!
 Wart sich dat Volk nu gewen,
 Mi duerte de Tied all lang;“
 Dat was de Red, von Jeden.

De Affschluß kām noch disse Nacht;
 Doags drup würd öwergewen.
 Wi müßten Morgens früh Kloek acht
 Uns noah de Schanz begewen.

Doa sülln'w uns in Paroad upstell'n.
 Na nu vörher dit Buzen,
 Doavon is uck wat to vertell'n;
 'T ganz Nacht harrn'w rüm to murksen.

Na 't Puzen deiht sich so gehör'n,
 Doch ditmoal harnw't künnt spoaren,
 Denn as an Ort un Stell wi wärn,
 Seeg'n wi doch ut as Mohren.

Unf' Marsch güng öwer'n Zwiebelfeld;
 Dat wär nu wat tum Naschen,
 Wi hebb'n uns all wat rutter pöllt
 Un vollproppt uns de Taschen.

Doch wärn de Dinger mächtig groot
 Un schlecht noog to plazeeren;
 Nu harr'n wi doomit unse Noth — —
 Un süll'n uck stramm marscheeren.

Nu denkt ju disse Zoddelie,
 Dat Feld wär weef*) von'n Regen,
 Dat wär groad son Marscheererie,
 As wenn de Gäus**) war'n dreben.

Nu öwerst towte unf' Major
 „Kreuz Himmel Donnerwetter!!
 Was haben denn die Kerls dort vor?
 Das wird ja immer netter.“

„Das soll Parademarsch hier sein!
 Mit Zwiebeln in den Taschen,

*) weich. **) Gänse.

Da schlag ein Donnerwetter drein!
 Ich werd' euch lehren naschen."

Un nu leet he uns rüm turneer'n,
 Up den oll'n natten Acker,
 Mit Griffen moaken — un Erzeern
 Gett he't uns moakt, de Racker.

Na endlich stellten wi uns an;
 Wi müßten presentieren,
 Dunn rückten de Gefang'nen ran;
 Se nenn'n dat Defileeren.

Erst käm denn nu de Kummandant —
 Und wat de Höchsten wären.
 „Bon Werder“ uns' Genroal-Leut'nant,
 Dehr mit sien'n Gruß se ehren.

De Grotherzog von Boaden sprök
 Uck mit den Kummandanten.
 De Annern käm'n mi vör as Spök
 Un halw as Kummeganten.*)

De Kerls de wärn vull Wuth un Hohn
 Un wullen nich pareren;
 Ehr Offziers harr'n noog to dohn,
 De Bengels to regeren.

*) Komödianten.

Se schlögen ehre Schaffepohs
 Intwei in luter Stücken.
 So veel steht fest, son echt Franzos
 Hett ganz infoahnte Rücken.

Wi leeten söb'nteihndusend Mann
 Bi uns vörbi marscheeren
 Un noahsten füllen wi noch mit ran
 Un füllen se eskorteeren.

Doch wär'n doato noch Annern doa,
 Wi müßt vör allen Dingen,
 Nu ut de Stadt de lekten Boar
 Kut, un to Ordnung bringen.

Na, von den Jammer in de Stadt
 Will ick rein still man schwiegen;
 Ick wünscht, dat ick in'n Leb'n so wat
 Mich mücht to sehn mehr kriegen.
 Wi rückten uck gliet wedder af, —
 Wielt vör uns keen Quateer doa gaf —
 Torügg nu noah Hausbergen.

Von doa güngt nu noah Gongenheim;
 Doa füllen wi uns nu plägen.
 Na! wi harrn't doa uck würklich fein
 Un schön Quateer hett't gewen.

De Lüüd de wärn doa würklich good,
 Se leeten uns dörchut nich Noth,
 Doavör hebb'n wi ehr hulpen.

Se harr'n uck noog vör uns to dohn,
 Ich hulp hi't Quetschenpressen,
 Mit Rücken un mit Fichtenspohn —
 Un Loadwig dicht't wieldeszen
 Sien Lieder hier, up dissen Krieg —
 Un uck von unsen letzten Sieg,
 Dat möt ick vör Ju lesen.

Zum deutschen Sieg.

Lied von Köster Loadwig,

Wie nun, ihr stolzen Franken,
 Gefällt euch der Besuch?
 Uns dünkt, ihr hättet Proben
 Von deutscher Art genug.
 Der Krieg, den euer Kaiser
 So frevelnd angefacht,
 Hat Jammer nur und Glend
 Euch in das Land gebracht.

Der Speer, den ihr geschleudert,
 Er ist zurückgeprallt,
 Euch selber arg zerfleischend
 Mit rächender Gewalt,
 Ihr habt den Brand entzündet,
 Der euch am Herzen zehrt,

Wie hat sich euer Hochmuth
So jämmerlich bewährt.

Wie doch die Räuberhorden,
Die ihr uns zugesandt,
So blitzschnell deutschen Kriegern
Den Rücken zugewandt;
Und nur an wehrlos Kranken
Hat sich ihr Muth gefühlt,
Als sie zu ihrem Schrecken
Das deutsche Schwert gefühlt.

Ihr werdet schwer uns büßen
Den frechen Frevelmuth,
Um Rache schreit zum Himmel
Der deutschen Brüder Blut!
Ihr könnt uns nicht ersetzen
So manch' zerriss'nes Band,
Doch sollt zurück ihr geben
Den Raub vom deutschen Land.

Ihr wollt zu Frankreichs Grenze
Den alten deutschen Rhein —
„Rein“ soll auch Deutschlands Grenze
Von fränkischen Söldnern sein,
Stets Deutschlands Fuß im Nacken
Muß Frankreich fühlen nun,
So nur kann ganz Europa
Im Schooß des Friedens ruhn.

„Nu kiek moal, wat son Köster kann!
 Dat Ding dat mag ick lieden;
 Wetst wat, gimw her Fründ Ballermann,
 Dat will ick mi affschrieben.
 Bin wedder Di gefällig uck;
 Nu drink man ersten noch en Schluck
 Un denn vertell man wierer.“

„I! wenn Du't mi man wedder bringst,
 Denn will ick Di't woll gewen;
 Ick weet, Friß Block, dat Du gern singst
 Un hemw noch ent upschreiben;
 De Köster nennt dat „Parodie,“
 Dat Ding is noah de Melodie
 Von't Wacht an'n Rhein to singen.“

„Na rut doomit! wi will'n moal hör'n,
 Dat kön'n wi all joa singen.
 Doch Jeder möt sien Kehl erst schmeer'n,
 Ballstädt'sch möt Bier noch bringen;
 Du Barrer seggst den Text uns vör,
 Wi annern singen hinnerher.
 Na nu man los! un orndt'lich.“

Köster Loadwig siene Parodie
 up de Wacht an'n Rhein.

Es braust der Sturm in dunk'ler Nacht;
 Ein Mutteraug' in Thränen wacht.

So fern vom heimathlichen Strand
Der einz'ge Sohn in Feindesland.

∴ Lieb Mutterherz, magst ruhig sein,
In Gottes Hand steh' ich allein. ∴

Ich denke Dein im blut'gen Kampf,
Ich denke Dein im Pulverdampf,
Du bist mir nah auf stiller Wacht,
In schaurig' kalter Herbstes-Nacht.

∴ Lieb Mutterherz, magst ruhig sein,
In Gottes Hand steh' ich allein. ∴

In Gottes Hut, in seiner Hand,
Für's große, deutsche Vaterland
Steh'n deutsche Krieger felsenfest.
Gott Deutschland nimmermehr verläßt.

∴ Lieb Mutterherz, magst ruhig sein,
In Gottes Hand steh' ich allein. ∴

Es bricht des Feindes blinde Wuth
Am echten deutschen Heldenmuth.
Es wankt der deutsche Krieger nicht,
Bis ihm der Tod das Auge bricht.

∴ Lieb Mutterherz, magst ruhig sein,
In Gottes Hand steh' ich allein. ∴

Und ob im wilden Kampfgewühl
Manch' Held für Deutschland's Ehre fiel;

Und ob auch mich die Kugel trifft,
Lieb Mutterherz, verzage nicht.

∴ Lieb Mutterherz, magst ruhig sein,
In Gottes Hand steh' ich allein. ∴

Doch fehr' ich froh zu Dir zurück,
Herzmutter, welch unendlich Glück!
Dann ist's mit Frankreichs Macht vorbei
Und Deutschland einig, stark und frei.

∴ Lieb Mutterherz, magst ruhig sein,
In Gottes Hand steh'n wir allein. ∴

„Kief, dat is nett“ — säd Schnieder Plink —
„Dat möt ick würklich seggen;
Denn ick dehr uck up sone Ding
Mi in mien Schlomsjoahr'n leggen,
Un ick verstoah dat ganz genau;
Dat Lied hett Sinn un is nich flau.
Ick möt't am Besten weeten.“

I! — seggt nu Crischon — dat kann sind;
Du hest woll Recht, Päth Schnieder.
Unf' Hauptmann freeg uck doavon Wind
Un Loadwig würd nu Schriewer.
Bien Loahlmeister, doa müßt he ran;
De säd: dat wär so recht sien Mann
Den Kerl den künn he brufen.

Ich würd nu mienen Köster los.
 Nu würd denn Crischon Rücken
 Mien Koak-Kamroad, dat wär famos,
 De Kerl söcht sienes Giefen.
 Denn wat dehr Koaken anbelang'n,
 Dat müßt he prächtig antofang'n,
 Veel beter as de Köster.

De Bengel hett uns Eten moakt,
 De Fingern noah to lecken,
 Un Blomenfohl hett he uns koakt,
 De würd son Prinzen schmecken.
 De Wirthsfru, wo wi inquarteert,
 De hett von em noch koaken lehrt;
 De kann mi dat betügen.

Uns Wirthslüd nehm'n uns mit to Bier,
 All Dabend güng'n wi kneipen. —
 Großvoater de vertellt denn hier
 Von oll Begebenheiten.

He harr den „grooten Kayser“ deent,
 Wär mit noah Rußland toagen;
 Harr dunntomoal Berlin uck sehn
 Un denn freeg he dat Kloagen.

Wo jikt dat doch all anners wär —
 He künn sich nich drin finnen.

Dat Dütschland Frankreich twingen dehr,
Dat kunn he nich verwinnen.

Söß Doag lang lewt ick doa so nett,
As in den deepsten Frieden.
Dunn harr ick wedder in't Loazreth
An de oll Gicht to lieden.

Dre Doag müßt ick so rümfampeer'n,
Mit Schmerzen, tum kreppeeren,
Dunn freeg'ck (dörch't Fenster) wat to hör'n
Von „noah Paris marscheeren.“

Na dat güng doch mien Doag nich an,
Ick süll hier liggen bliewen
Un Unf' de süll'n oahn Ballermann
Paris to sehen friegen.

Mit enen Satz wär ick up't Been,
Mi würd so licht to Herzen
Un — hett de Düwel so wat sehn! —
Ick föhlte nischt von Schmerzen.

Ick güng dat ganz Loazreth nu rund
Un weckte mien Gefährten;
De wär'n mit enmoal all gesund,
As von Paris se hörten. —

Nu öwerst wär dat sehr fitoal
De Husdöhr wär toschloaten,

Wi moakten nu en Mordskandaol,
Se füll'n uns ruter loaten.

Dunn endlich käm uns Wärter an,
De wull nu rein beschwögen,*)
He seeg uns vör Gespenster an,
De doa herrümmer tögen.

He heel uns alle vör verrückt.
Wi fülln to Bedd uns leggen,
Un wenn wi uns nich ordentlich schickt,
Wull he't den Dokter seggen.

Ich säd: ach holl doch Dienen Mund!
Du heft nischt to besorgen;
Du sühst joa wi sinn ganz gesund.
„Na schön, denn töwt bet Morgen.“

„Dat is joa hüt all düster Nacht,
Zi kön'n doch hier noch schloapen,
Dat is doch wirklich unbedacht
Dat son Komedg**) Zi moaken.“


Dat seegen wi denn nu uck in,
Hüt wär nischt mehr to moaken
Un morgens käm de Dokter rin,
De füll uns ruter loaten.

*) Ohnmächtig werden. **) Komödie.


He schüddelte den Kopp woll sehr;
 Dat wull em nich recht dünken,
 Dat kener von uns krank mehr wär —
 De Meisten dehrn noch hinken.

Doch käm'n wi alle glücklich mit
 Un müßten gließ marscheeren
 Noah „Berstett,“ immer strammen Schritt,
 Wo uns' vörut all wäeren.

Noah „Bendenheim“ müßt' wi noch goahn,
 Dunn brukt' wi nich mehr loopen;
 Doa steegen wi up't Iserbohn
 Mit luden Bivatroopen.



Noah Paris.



In'n zehnten Monat wär'n wi, sid acht Doagen,
 As unse Foahrt süll losgoahn noah Paris;
 Wi seten ingepäfelt in de Woagen
 Un't käm uns vör, as föhrten wi up't Is,
 Wat jeden Dgenblick tosoam'n künn breken,
 Wiel de oll Schien'n stell'nwies wär'n upgereten.

Wo was dat foam'n?

Wem harr dat doahn,
 Dat Volk! de Franktirörs — de Buern,
 De öwerall up uns dehrn luern.

Wi föhrten jikt nich Krieg mehr mit Saldoaten,
Ne! Mordgesindel wär't, un Bummlertoafel.

Ich bin keen Hoasensfoot — un heww mien Leben
Gewiß nich schont, wenn't heet: Freiwill'ge vor!!
Doch wenn ich dacht: hier künnt en Unglück gewen,
Denn strüwte sich binoah mi Hut un Hoar.
Denn wat son Unglück up de Boahn deiht heeten
Dat doh ich leider ut Erfoahrung weeten.

Dat Gott erbarm!

Wo süll dit war'n

Wenn son Malöhr dehr hier passeeren,
Wogegen sich keen Mensch künnt wehren,
Wat würd dat hier mang so veel Menschenleben
Bör grooten Jammer un vör Glend gewen.

Wi dehren uck man sehr bedächtig föhren;
Nicht halw so flink, as sone Boahn sünst geht.
'T wär Dabend, as erst in Brumath wi wären,
Wo unse Zug denn öwernachten deht.
Wi müßten uns nu erst to eten koafen,
Un noahsten güng'n wi in de Woagens schloapen;

Des Morgens früh,

Dunn föhrten wi

Noah — — Lünewill, — glöw ich, deiht heeten,
De Düwel kann de Noam'ns all weeten,
Upschreiben heww'ck de Tuhr, doch französch lesen —
Dat kön'n Zi glöb'n, dat het sien egen Wesen.

De Nacht würd wedder in de Woagens schloapen
 Un oahn Malöhr kām'n wi den Dag doa drup
 Dörch Nanzig, hinner Tuhl; hier süll'n wi koafen,
 Doch kum harr'n Füer wi — un Fleesch doa up,
 Dunn füng de oll Maschien all an to fläuten
 Un't wär vörbi mit unse Herrlichkeiten.

'T wär nichtswürdig!

Wi müßt' in'n Stich

Dat schöne warme Eten loaten,
 Wat erst halw joahr — in'n Dreck würd goaten.
 Dat Dömlichst wär, as wi instegen wär'n,
 Dunn güng't noch lang nich los mit Wiederföhr'n.

Org Mayn de säd: „de moafen uns tum Narren!

Mi hungert — un ick stieg noch eenmoal ut.“

! denk ick, mag doch wat doa will drut waren,

Un spring nu uck mit Crischon Rücken rut.

Musch Rücken, mit sien Koakkunst fort entschloaten,

Dehr flink uns Liebig'sche Bulgongsupp moafen;

Dat warmte doch.

De Zug heel noch

Un Jeder wull nu rutter springen

Un noch ens Fleesch an't Füer bringen.

Keen Mensch wull mehr up dat Komando hör'n,

Dat jeden Ogenblick de Zug süll föhr'n.

Doch hulp dat nich, 't güng los, wi föhrten wierer
 Un kām'n des Dabends noah 'ne groote Stadt,

Hier stärkten wi nu ersten unse Glieder;
 Wi heww'n doa Wien — un uck wat Warmes hat,
 Doch dürften wi de Woagens nich verloaten
 Un heww'n doarin de Nacht uck wedder schloapen.

Dunn noah Schalong!

Wo in'n Wagong

Wi Kaffe — un uck Wittbrod kregen,
 Wat wi dörchut nich ungeru seegen.
 Bet Mangtelg sinn wi föhrt, ununnerbroaken,
 Dunn müßten wi uns up de Stiebeln moaken.

Nu müßten wi stramm marscheeren,
 Dörch Städ' un Flecken ist goahn,
 Doa harr'n se up allen Wegen
 Uns uck all Schowernack doahn.

De Steendam wär upgereten,
 De Brügggen intwei gesprengt;
 Groote Böm un Barrikaden
 De heww'n den Weg uns beengt.

Wi harren Kanon'n to begleiten
 Un noah Paris to spedeer'n,
 De wär'n kum vorwärts to bringen,
 So dehr'n se den Weg rungneer'n.

Dat künn uns öwerst nich schrecken,
 De Franzosen müßten ran

Un fülwst de Weeg torecht moafen,
Wat ehr recht fuer ankamm.

Wi sinn up verscheiden Tuhren
Un Companiewies marscheert,
Un heww'n de franzö'schen Buern
Dat pommersche Plattdütsch lehrt.

Doch dröpen wi schöne Stellen,
Wo wi Nachts würd'n inquateert;
Doa sinn wi mit schönes Eten
Un gooden Wien uß trakteert.

Un wenn se't uns nich wull'n gewen,
Denn hewwen wi requerert;
Wi wullen doch hewwen to leben
Un so as sich dat gehört.

Bi Bersalg heww'n wi uns sammelt;
Uns pußt un denn in de Stadt —
Geföhrt von unsen Kronprinzen —
Paroad vör den König hat.

Nu öwerst dit Dgenmoafen —
Von de Bersalger — wär schön,
So stramme groote Saldoaten,
Harr'n se woll noch nich sehn.

Se dachten de Landwehr-Truppen
Dat wären son Bummelers man,

As ehre Mobil-Gardenpuppen;
 Drüm schuhlten*) se uns so an.

Dat wär'n se sich nich vermooden
 Dat wi erst Kerntruppen wär'n,
 De gegen ehre Nothhosen
 Ganz hellisch affsteken dehrn.

Uck Moltk' un Bismark sich freuten,
 Se säden: „Fürwahr ein Staat
 Ist es — von diesen Leuten —
 Zu sehen eine Parad'.“

As wi bi Straßburg uphörten,
 So füng't nu hier wedder an;
 Wi harren Paris to beloagern,
 Wo dat blot schlimmer noch kamm.

Uns nu erst intoquateeren,
 Müßt noah Senkt-Schermeng wi goahn,
 Ick würd in Quateer bi'n Discher
 Mit Grischon Rücken verschloahn.

De Discher, de harr dre Hüser
 Un't Quateer wär uck ganz good,
 Doch gew't man wenig to eten;
 Mangunner leeden wi Noth.

*) schielten.

Doch noahsten kām'n wi bi'n Kentner,
 Doa harren wi't öwerst sien!
 Doa freegen wi schönes Eten
 Un uck ganz prächtigen Wien.

De Kentner, de wär utreten
 Un dat wär för uns ganz good;
 Wi lewten mit sien Bedienten
 Nu sien up'n hoogen Foot.

Doch strammen Denst un Arbeit hett't hier gewen,
 Wi wären up de Been doa spääd un früh.
 En'n Dag heww'n immer in Alarm wi legen
 Un denn en'n Dag up Posten un Repli.
 Twe Doag wär'n wi denn wedder in Quateer,
 Doch müßt wi exerzeer'n un ziel'n biher.

So kām de enuntwintigste Oktober —
 Wo de Franzos bi uns dörbrefen wull;
 Doch harren sich de Bengels sehr verrekent,
 Se freg'n gehörig ehren Puckel vull.
 Blot de Granoaten von den Bullerjoahn*)
 Heww'n uns doabi ganz hellisch Schoaden doahn.

Wi leegen in Repli, dunn kām de Meldung
 Von uns Börposten: dat de Feind anrückt.

*) Mont Valérien, scherzweise von unsern Pommern Bullerjoahn
 genannt.

„Na schön!“ — seggt uns' Major — un up'n Flecken
 Würd'n de Franzosen wi entgegen schickt,
 Wi rückeren öwer „Boschival“ nu vör,
 Viel de Franzos in „Malmesong“ all wär.

Rum öwerst harrn wi Boschival in'n Stüggen,
 Dunn käm'n uck all Granoaten angesummt,
 Doatwischen knatterten de Mitralgösen
 Un Bullerjoahn — de hett den Bass to brummt.
 Von unse Lüüd leeg'n dood all etlich doa,
 As wi den Feind vör uns erst würd'n gewoahr.

Nu güng'n wi öwerst wie son Ungewitter,
 In vullen Loopen un mit Hurrah los,
 Up enmoal heet dat: Holt! üm Gotteswillen!
 Wi scheeten unse eg'n Kam'roaden dood. —
 Glücklicherwies klärt sich de Irrthum up.
 Wären doch Franzosen! un nu güng dat drup.

Krüß Batteljoahn! wo kreeg'n de Kerls dat Loopen,
 As wi mit alle Macht nu rückeren an.
 Komando hört wi nich, mit Hurrahroopen
 Drängt' wi de Kerls an ene Muer ran —
 De doa den Park von Malmesong begrenzt —
 Un hier heww'n wi de Herrn Zuawen stenzt.

Dat Dohr, dat wär to klein in de oll Muer,
 Nu müßten uns de Bengels hollen Stand;
 Wi kämen doa in't Handgemeng un farmten
 Noth mit Franzosenblood de Muerwand.

Gefangne kreeg'n wi hunnertsöstig Mann,
Wem nich dörch't Dohr dörch käm, de müßte ran.

Mi harr dat doabi eklich künnt bedreegen;
Ich harr doa enen Bengel up't Biser,
De ward gewoahr, dat ich groad los will drücken,
Un schmitt sich an de Erd mit sien Gewehr —
Un moakt mi denn son jämmerlich Gesicht,
As wull he segg'n: ach Gott! scheet doch blot nich.

Un ich loat von den Bengel mi begöschien
Un will gemüthlich em gefangen nehm'n;
Up enmoal springt he up as wie son Tiger
Un wie en Wetter hett he't Meß mang't Lähn.
Ich wär as wie verduzt vör Schreck un Wuth,
Un nu hoalt de Kujon mit't Meßer ut.

Kreuz Batteljohn! — denk ich — Di war ich lüchten;
Ich bück mi un ehr he sich dat versehn,
Pack ich em üm un schmiet em an de Muer,
Dat ich doch denk, he breck't sich Hals un Been.
Ich wull nu hen un nehm'n em't Meßer af,
Dunn drüppt mi't Blood von mienen Kopp all raf.

Doch wär keen Tied sich lang an'n Kopp to foaten,
Mit enmoal wär'n Gedräng üm mi herümm,
Dat ich mi Platz müßt mit den Kolben moaken
Un as up frieen Foot ich wedder bin,
Köppt hinner mi uns' Michel Fichtenspohn:
„Erischon! kumm mit! doa gift noch mehr to dohn.“

Doa harr he Recht! de meisten von't Franzosen
 Wär'n dörch de Muer foam'n, un rüchten ut;
 De müßten wi ut Höflichkeit begleiten,
 Dat seeg joa sünsten unmanneerlich ut.
 Na dat heww'n wi ganz prächtig denn verstoahn,
 Se freegen ehr Geleit bet Bullerjoahn'n.

Wenn sich de Kerls man blot ens harr'n ümkefen,
 Wo wenig von uns ehr up't Hacken wär'n,
 Denn harr'n se uns dat eklich künnt besorgen,
 Denn harr ganz licht dat Blatt sich künnt ümkehr'n. —
 Doch doomit harr dat nu dörchut nich Noth,
 Se harr'n keen Tied — und ehre Angst wär groot.

Flink sind de Kerls, dat möt man ehr nu loaten,
 Börut wenn't an dat Nettereeren geiht,
 Se wären wie en Wetter in de Festung
 Un doomit uck vör uns in Sicherheit.
 Up disse Tuhr freeg'n wi noch twe Kanon'n
 Un nu wär hier vör uns nischt mehr to dohn.

Wi müßten nu torügg, up unsen Posten
 Un doa gewt en Stück Arbeit noch biher.
 Wi dehren doa noch söb'nteihn Mann erwischen
 Von dat oll Bummelpack — de Franktiröhr.
 De Kackerz harr'n uns wullt in'n Rücken foam'n,
 Wenn de Pariser ditmoal uns harr'n schloahn.

De meisten wären Buern ut diss' Gegend,
 Uck Börgerz ut Senkt-Schermeng doabi wär'n,

De Hallunken wär'n immer up den Posten,
 Wenn se dehr'n von enen Utfall wat hör'n,
 Gliek freeg'n se denn ehre Wassen hervör
 Un schleefen*) sich heemlich hinner uns her. —

Mien Loch in'n Kopp harr ick binoah vergeten;
 Ick dehr keen Wehdoag mang den Trubel föhl'n,
 Nu füng dat öwerst hellisch an to brennen
 Un Crischon Rücken müßt nu ran un föhl'n.
 De wunnert nu — un foppt: „wat is denn los?
 Du bist in'n Kopp joa stoafen, as ne Gaus.**)“

„Na't is nich schlimm! nu kann doch keener seggen:
 Dat Du en'n oapen***) Kopp nich hebben dehst,
 Du mößt Di en poar Doag nu runner leggen,
 Denn bin ick sicher, dat gesund upstehst.“
 Du bist nich klook! — säd ick — dat wär joa nett!
 Um so en Quarck goah ick nich in't Loaz'reth.

Doch käm dat anners as ick't mi heww dacht,
 Son Dart Wundfewer harr ick doavon kregen
 Un ganz verrückt heww ick de erste Nacht
 Campeert, un dre Doag oahn Besinnung legen.
 Dat wär woahrhaftig keene Kleinigkeit;
 Doch weeten Ji, dat Unkrut nich vergeiht.

Ick dacht gewiß: ick müßte ran, doch ne!
 'T is enmoal so, dat blot de Besten starwen;

*) schlichen. **) Gaus. ***) offenen.

So as uns' Leut'nant — Herr von Blankensee
 Un uck uns' goode Adjutant von Staven,
 De up den Kirchhof doa begroaben wär'n
 Wildeß ick müßt in dat Loaz'reth campeer'n.

Uns' Batteljohn harr doch so viertig Mann
 Verlust von dissen Utsfall to bekloagen,
 Doch harr'n wi ditmoal uck en beten stramm
 Uns mit de Herr'n Franzosen rümmer schloagen.
 Dat isern Krüz käm uck — för vierteihn Mann —
 Doasför am dörtigsten Oktober an.

Ich hewwt nich freg'n, uck Crischon Rücken nich;
 Wi künnt unmöglich alltohoop doch friegen,
 Doch Crischon Rücken boßte mächtig sich,
 Ich tröst't em nu un säd: he dürst man friegen,
 Wenn he gesund to Hus erst wedder wär,
 Denn harr he glief sien Krüz, wat wull he mehr.

Un — säd ick — wat doabi noch mehr, oll Söhn:
 Wenn Du Di noahsten ersten warst versfriegent
 Un Diene Dllsch stiggt rupper noah den Böhn,
 Denn sühst Du doch uck glief 'n Drachen stiegen;
 Un wenn se joahr erst bact un waschen deiht,
 Denn schwelgst Du ganz gewiß in Seeligkeit. —

Dat schiente uck as lücht de Trost em in,
 Ich denck, mien Rücken is doamit tofreden;
 Doch hett de Bengel heemlich in sien'n Grimm
 Dit Woort mien Dllsch ganz ficks noah Hus henschreiben.

Wien Dilsch schrew drupp: mi süll de Dümel hoal'n,
 Se wull — käm ick to Hus — mi da betoahl'n.

Anfangs November käm ick ut't Loaz'reth,
 Un gliet den ersten Dag uck up Börposten
 Bi Boschival; na! doa wär't öwerst nett,
 Den besten Wien den't gift, freeg'ck doa to kosten,
 Den harr'n wi up en Insel doa entdeckt,
 He leeg in olle Kellers deep versteckt.

Ümschichtig würd nu immer röwer föhrt,
 Doch Bullerjoahn, de harr den Broaden roafen
 Un hett bi dat Geschäft uns oft verstört,
 Mit siene Bomben, un uck mit Granoaten.
 Wi müßten immer dat sehr schlau anfang'n,
 Denn he künn ganz good noah uns röwer lang'n.

Fief Gondels vull hebb'n wi uns röwer hoalt,
 Dill Bullerjoahn, de leet sien Bomben flizen,
 Doch dröp he uns uck nich en einzig moal;
 Mit Hurrah schwenkten wi denn unse Mützen.
 Wi lachten öwer de Franzosen ehre Wuth
 Un drünken doabi unse Fässer ut.

Von doa güng't noah Mesong nu hen,
 Doa geemt en lustig Leben;
 Quateere heww'n wi doa doch hat,
 As't nahrens mehr deiht gewen.

De Hüſer wär'n doa extraſien
Un faſt gänzlich verloaten.

De Inwoahners wär'n utgerücht
Un harr'n de Döhr'n verſchloaten.

Dat ſchoadte nich, wi müßten Noath.
De Döhr'n, de würd'n upbroaken
Un denn würd ſich bequem dat moakt
Mit all de ſienen Soaken. —

Ich ſegg Ju, dat wär ene Pracht,
Von luter Sammt un Sieden.
Un rüken dehr ſon ganzes Huſ
Noah Parfüm'rien, von wieden.

De Speegels wär'n noch moal ſo hoch,
As ich int Läng doh mäten.
Sophas un Bedden wär'n genug,
Doch fün'n wi niſcht to eten.

Wat hulp uns dat Porz'loan-Geſchirr,
De Diſchdöf un Salwgetten,
De Teppichs un de ſieden Röck,
De Kroagen un Manschetten.

Harr'n wi en Tunn vull Hering fun'n
Un Rudeln doato kregen,
Denn harr'n wi, ſtatt in'n ſieden Bedd,
Gern up'n Heuſtall legen.

Na Rücken säd to mi: „oll Jung!
 Nu will ick Di wat seggen,
 Ick war mi up den Sopha doa
 En beten rupper leggen.

Un Du kief Di man iim in't Hus
 Un söf uns wat tum Roaken.
 Dat süll mi hellisch wunnern doch,
 Wenn hier nischt wär verstoaken.

Un kief uck man in'n Keller noah,
 Biellicht findst wat tum naschen,
 Gewiß is etwas Wien noch doa.
 Hoal rupper en poar Flaschen.

Mi hungert as en Schäperhund,
 Ick war doch hier nich schmachten.“
 Doamit plumpst he up't Sopha rup,
 Dat de Sprungferrern frachten.

Drg Mayn müßt nu mit Fichtenspohu
 Noah Brennholt rümmer ströpen,
 Un Naack un ick, wi wullen nu
 Uns wat to eten söfen.

Na doamit harr'n wi nu keen Glück,
 So veel wi söfen dehren.
 Doa wär doch in dat ganze Hus
 Keen Happen tum schnab'leeren.

„Dat hemw'ck mi dacht,“ — säd Rücken nu —
 „Dat ick dat fülwst möt moaken,
 Erst fall ick't ranner schleppen zu
 Un denn möt ick't noch foaken.

To nischt sind Zi to brufen doch!
 Wat füll ut zu woll waren,
 Wenn Zi as Lieferant un Koch
 Mich Crischon Rücken harren.

Sind Zi denn nich in'n Keller west?“
 „Dat bliwot Di öwerloaten!“ —
 Säd Rack — „wenn Du so kloof doch bist
 Kannst Du Di rinner moaken.

Hier gift dat keenen Keller nich.“
 „J! wat Du seggst“ — röppt Rücken —
 „To son Hus füll keen Keller sinn?
 Zi kön'n man blot nich kieken.“

„Wenn Du dat meinst, denn jök'n Di,“ —
 Säd Rack — „ick will nu schloapen,
 Ick war den Düwel mi von Di
 Hier runnerhunzen loaten.“

„Na schön!“ — seggt Rücken — „'t geiht oahn Di,
 Doch will'n wi nich vergeten,
 Dat Du gewiß nischt kriegen deihst,
 Wenn wi wat Schön's war'n eten.“

„Oll Twall!“ — schimpt Rack — „Du heft noch nischt,
 Loat Di wat Schön's doch moalen.
 In dit Hus find'ft wahrhaftig nischt,
 Womit deihst Du denn proahlen?“

„Na kumm!“ — seggt Rücken — „Ballermann,
 Wat will'n wi uns hier strieden,
 Ich segg Di: ich schaff uns wat an
 Un Rack fall nischt von kriegen.“

Wi söken denn nu Allens dörch,
 Doch wär rein nischt to spöhren.
 Na! — segg ich — Rücken, paß man up,
 Du warst Di sehr blameeren.

„J!“ seggt he — „dat Franzosen-Volk
 Leet Allens hier vermuern;
 Paß up! den Keller finn ich doch,
 Dat fall so lang nich duern.“

Wi sökten up den Hof nu rüm;
 Mit enmoal röppt nu Rücken:
 „Ah! kiefst Du Koater ut de Luf;
 Kief moal de Roasen-Stücken.“

„Meinst Du, dat de doa müssen sind?
 Ne! de sinn rupper schmeten;
 Doa sinn de Fugen joa to sehn.
 Nu help mi man en Beten.“

Wi rünten de Geschicht nu af.
 „De Kufuf fall mi hoalen!
 Wenn hier de Kellerdöhr nich steckt,
 Säd Rücken — „kief de Boahlen.“

'T was richtig! Roasen, Sand un Bräd,*)
 Berdeckten hier de Döhren,
 De endlich hier von butten**) to
 Dehr'n rin noah'n Keller föhren.

Hier gew't nu Wien un Mehl un Schmolt
 Un ingemoakte Soafen.
 „Na!“ seggt nu Rücken — „fühst Du woll,
 Nu kön'n wi broad'n un koafen.

Erst mell nu unsen Fund man an;
 Doch seggst Du nischt to Nacken,
 Ich war derwiel von Mehl un Schmolt
 Uns schön'n Pantooften backen.“

Na richtig! he hett Kooften bacht
 Un ick müßt Kaffe koafen;
 Wo schön röf de Pantooften doch,
 Nach harr in'n Schloap von roafen. —

He wull doch uck wat hewwen nu.
 „Joa woll!“ säd Crischon Rücken —

*) Bretter. **) draußen.

„Et Du man Dinen fulen Speck
Un drög Romisbrod=Stücken.

Verstehst, Fründ Nack? dat kümmt doavon,
Von wegen Twall — un Broahlen. —
Loop Du man hen un jök Di wat;
Sünst kannst Di uck wat moalen.“

Na't wär man Spoaß. He hett sien Deel
So as de Annern freegen,
Un fort: wi lewten extrafien,
Solang as wi doa legen.

Uck freeg'n wi von to Hus wat schickt;
Dat wären puzig Soaken,
Jck freeg en linkes Hoseneen,
Wat süll ick doomit moaken.

Nack freeg en halwe Annerjack,
Un ebenso Fründ Rücken;
Wärn't nich twe rechte Schullern weßt
Harr'n se't tohoop kümmt flicken.

Na, ick verbrückt mien Hoseneen
To Lappen — un tum puzen,
As endlich uck dat rechte käm
Wat süll mi dat nu nuken. —

Jck wär so falsch un reet dat Ding
Jntwei, in luter Stücken,

De Annern lachten mi nu ut;
Am meisten lachte Rücken.

Denn de harr sien halw Annerjack —
De em noch fehlte — kregen,
Un leet von unsen Schnieder sich
Dat Ding tosoamen nägen.

De gooden Doag wär'n nu vörbi;
Nu käm'n vör uns de schlimmen. —
Von Süden käm de Feind nu ran,
Sien Hauptstadt to gewinnen.
He wull sich twischen uns dörschloahn
Drüm müßt wi em entgegen goahn,
Um em den Weg to wiesen.

„Gambetta“ — de in'n Luftballon
Wär ut Paris rut floagen —
Wull nu — mit Rinner un oll Lüüd —
Uns all ut Frankreich schloagen;
Dat harr am Enn uck los künnt goahn,
Wenn de Lüüd harr'n den Deenst verstoahn
Als inerzeert Saldoaten. —

He harr dat ganze Volk upreizt;
Se käm'n in hellen Hoopen,
Doch wärn'n dat keen Saldoaten nich,
Se kreegen Schacht noah Noten.

En Unglück wär dat för dat Land:
 Dat Musch Gambetta siene Hand
 Doa kreeg mang dat Regeeren.

Doch harr'n wi Last genoeg mit ehr,
 Se dehr'n sich good noog wehren,
 Wi müßten hell'sch up'n Posten sinn
 Un harr'n veel to marscheeren.
 Wi ströpten in de Krüz un Quer
 Doa ümmer in de Welt ümher,
 Un müßten düchtig hungern.

Schiffstriback dehrn doa meistendehls
 Uns' ganze Kost utmoafen;
 De kloppt' wi mit'n Steen intwei,
 Sünst wärn's nich weef to koafen,
 Dat Tügs wär hart as Felsensteen;
 Schmitt ener Zu son Ding an't Been,
 Denn möt Zi acht Doag hinken.

Quateere heww'n wi oft spottschlecht
 Doa in de Gegend kregen;
 Dat beste harr'n wi noch in Drö,
 Wo ick bi'n Gastwirth legen.
 Sien Broder wär gefangen noahm'n
 Un wär mit hen noah Danzig koam'n;
 De harr em denn nu schrewen:

Dat em dat doa ganz good gefeel,
 He künn sich nich bekloagen;

De preußische Gefangenschaft. —
 Dehr em ganz schön behoagen
 Un dat he em versichern künn,
 De Preußen wär'n nich halw so schlimm,
 As se in Frankreich glöwten.

Dat harr sich denn woll in de Stadt
 Nu sehr herrümmer sproaken;
 Drüm wär'n de Lüüd to uns so nett,
 Se dehr'n uns Allens moaken,
 Un freuten sich wer weet wo sehr,
 As up den Rüggmarsch wi bi ehr
 Uns wedder inquateerten.

Se kämen uns entgegen all,
 As wi torügg wärn foamen,
 Un jeder hett sich sienen Mann
 Glief mit noah Hus hennoahmen.
 Mien Wirth sien Kinner sprüng'n ümher,
 As wenn ick woll ehr Unfel wär —
 Up den se dehren luern.

Bet Wiehnacht harr'n wi in de Welt
 Uns so herrümmer dremen,
 As wi in Drö Befehl heww'n freeg'n
 Torüg uns to begewen.
 Wi wären uck all' up'n Hund,
 De meisten wären ungesund
 Un kener harr heel Stämeln.

Wi seegen as de Rōwers ut,
 So wār'n wi afgereten;
 Wi sülln nu wedder vör Paris
 Berpusten uns en beten.
 Dat wār nu woll nich mehr so wiet,
 Doch ehr wi henkäm'n, hett de Tied
 Uns lang genoeg noch duert.

Wi müßten nu ünmer hen un her
 Doa bi Paris rümm hocken,
 Oft harr'n wi en jämmerlich Quateer;
 De Typhus un de Pocken,
 De wöhlten in de Städ' doa rümm,
 Börut wār in de Gegend schlim
 Dat veele Ungeziefer.

Wenigstens harr'n wi nu keene Noth
 Un Hunger mehr to lieden,
 Wat wi doa heww'n brukt, an Fleesch un Brod,
 Dat müßt Versalg bestrieden;
 Doa heww'n uns' Magazins wi hat
 Un wenn wi sünst noch brukten wat,
 Denn müßt' wi requereeren. —

Mangunner leet sich mit lichte Möh*)
 Son Höhner-Broaden klemmen;

*) Mühe.

Doch dehr dat oll dömlich Ferrerveeh
 De Uniform all kenne, —
 Wenn wi in'n Dörp herrinner käm'n,
 Net'erte allens up de Böm
 Un moakte groot Spektoafel.

Uns' Wiehnachts-Bescheerung hemwen wi
 In'n Januar erst freegen;
 Dat wär justement as bi „Schim“ wi
 In Standquateer hemw'n legen.
 Id' freeg en Piep un uck Toback,
 En Hoarbörst un ne Flasch Kongak,
 Un dre groot Päperkooften.

Uns König wär as Kaiser
 Von Dütschland proklamieert,
 As noah Versalg wi kämen
 Un glief würd'n allarmeert.
 Doa harren de Franzosen
 En'n Utsfall wedder woagt;
 Doch hemw'n wi de Rothhosen
 Slink noah Paris rin joagt.

Nu wär't mit de Pariser
 Doch all bedenklich sehr;
 De Soak käm ehr to muslich
 Un unnerkötig vör.

Gambetta möt veel Kosten,
 Bröcht unnütz Geld an'n Mann,
 Prinz Carl wär up'n Posten,
 De leet em doch nich ran. —

Wi bombardeerten mächtig
 Nu noah Paris herrin,
 Dat sich unmöglich länger
 Noch wehr'n un hollen künn.
 Se harr'n fast nischt to woagen
 Un to verleeren mehr,
 Denn öwerall geschloagen
 Wär dat franzö'sche Heer.

Wi wären lang noah Stangterr
 Intwischen ünquateert,
 As Utgangs Jannuar doa
 Dat Scheeten hett uphört;
 'T wär „Waffenstillstand“ schloaten,
 Dre Wochen harr'n wi Ruh. —
 „Denn warn's woll Frieden moaken“ —
 So dachten wi't uns nu.

Un so is't denn uck worden!
 De Waffenstillstand wär
 Noch en poar moal verlängert;
 Dunn harren wi de Ehr:
 In Paris intotrecken —
 Un unse preuß'sche Foahn

Doa up de Forts to stecken,
Uck up den Bullerjoahn!

Wi hemw'n Paroad vör'n Kaiser
Doa bi Paris noch hat,
As wi dehr'n rinner rücken
In de Franzosen-Stadt.
Ick fünn doa enen Himmel
Vull Seligkeit un Lust:
Mi feel — mang dat Getümmel —
Mien Broder an de Brust.

Erst kün'n wi keen Woort reden. —
Jung! bist Du noch gesund?
Dat bröcht wi endlich ruter,
As wi ut enen Mund.
Ick kann dat rich beschreiben:
Wo uns to Mood Beid wär,
Uns hier to seh'n to kriegen,
Dat glöw't wi nimmermehr.

Mien Broder, de mi footsten
Doa in Paris harr kennt,
Stünn uck bi't Garde-Landwehr
Bi't tweete Regiment.
So lang in'n Krieg wi wären
Wüßt' En von'n Annern nich,
Nu müßt dat hier passeeren,
Dat wi to sehn uns frigg.

Wo oft harr'n wi mit Aengsten
 En an den Annern dacht:
 „Wat mag Dien Broder moaken?
 Of he noch leben mag?
 Bielleicht is he all blewen —
 Begroaben sien Gebeen —
 Un ick krieg in mien Lewen
 Em denn nich mehr to sehn.“

Nu denkt Zu doa moal rinner,
 Wo wi uns hewwen freut —
 Dat wi uns doa so dröpen,
 Noch to: „gesund“ all Beid.
 Wat kummerte de Trubel
 Uns doa nu rund ümher,
 Wi heww'n vör unsen Jubel
 Nischt hört un sehen mehr.

Wi blew'n den Dag tosoamen
 Un kneipten mächtig rüm;
 Erst in Paris un noahsten
 In Mangterr, doa würd't schlimm.
 Doa fün'n wi Köster Loadwig,
 De müßte nu mit ran;
 Uns wär dat ganz pomoadig
 Wat noahsten donoah kamm. —

Wi hewwen mächtig pichel
 Un Unsiun moakt, hurrje!

Mi dehr doch von den Koater
 Dre Doag de Kopp noch weh,
 Un Köster Loadwigs Soafen,
 De seegen schnurrig ut,
 Bi em harr't Boahn sich broafen —
 Bi em müßt't wedder rut. —

Mien Broder wull nu röwer
 Früh Morg'ns noah sien Quateer,
 Doch müßt he bi mi bliewen,
 Wiel dat unmöglich wär; —
 Duhn*) noah Kuelg to loopen,
 Dat wär doch Unsinn west,
 Na, wi freeg'n alltohopen
 Doaför dre Doag Arrest.

Dat wär nu groad nich ängstlich,
 Wi seeten drög un warm,
 Un brukten uns nich grämen,
 Dat wi keen Brennholz harr'n. —
 Denn wat von Discher-Soafen**) —
 Man ümmer brennboar wär,
 Harr'n wi verbrukt tum Koafen
 All lang in uns' Quateer.

Wi müßten noch campeeren
 Bet'n söb'nten März doarümm —

*) betrunken. **) Tischler-Sachen.

Un dunn bet Rheims marscheeren,
 De Marsch wär öwerst schlimm.
 Herrgott! wär dat en Regen,
 Dat wär binoah to dull;
 Wi heww'n uns' Stäwel freegen
 Doa stets von boaben vull.

Dat wär en gruglich Weder;
 De Weg wär en Morast,
 Dat wi doa dörch sinn koamen,
 Is to bewunnern fast.
 Wi dehr'n mang dat Gewimmel
 Risfeeren Arm un Been.
 Wi dankten Gott in'n Himmel
 As wi in Rheims ankäm'n.

Von Rheims ut dehr'n wi föhren
 Nu mit de Iserboahn.
 Wi sind noah Metz, Saarbrücken —
 Un dunn noah Cöln henkoam'n,
 Hier, un in Braunschweig, dehren
 De Lüd uns extrafien
 Mit warme Kost trakteeren,
 Uck noahsten in Berlin.

Doch de Stettiner hewwen
 An uns dat Meiste doahn:
 Un heww'n uns ungeheuer
 Fründschastlich upgenoahm'n.

Herrgott! wär dat en Jubel,
 Dat harr'n Zi blot müßt sehn!
 Wi blew'n bi dissen Trubel,
 De Nacht dörch up de Been.

Se harr'n up veele Stellen
 Bör uns doa broadt un foakt,
 Un harr'n to unsen Intug*)
 Sich mächtig' Umstänn moakt.
 Doags drupp würd'n wi entloaten,
 So Utgangs März is't west;
 Dunn heww'n wi öwerst soapen! —
 Nu wär't för uns erst Fest. —

As unsen egen Kittel
 Wi anharrn, wärn'w erst frie,
 Nu dehrn wi uns doch freuen
 Dat de Geschicht vörbi.
 Wi harr'n dat wille Lewen
 Nu doch all herzlich satt,
 Drümm würd tum Besten gewen
 Wat Jeder noch hett hat.

Uns Biewer wär'n fast aller
 Uns astohoalen foam'n;
 Uck miene Dlsch hett footsten
 Mi in Beschlag doa noahm'n.

*) Singug.

To Hus — kām'n Fritz — un Mienten
 Up mi drupp los gesprung'n —
 „Du! Badder! uns' Kanielen,
 De hewwen fōsteihn Jung'n!“ —

Wat fall ick noch berichten?
 Dat Anner weeten Ji.
 Dat sinn nu oll Geschichten,
 'T is good, dat't nu vōrbi.

So licht fāng'n de Franzosen
 Woll nich mehr mit uns an.
 Bismarck treckt ehr de Hosen
 Upstunds en Beten stramm. —

Doch ganz — dat kōn'n Ji glōwen! —
 'S't Füer noch nich ut.
 Se war'n en Beten tōwen
 Un rappeln sich erst rut. —

Denn war'ns uns wedder flicken
 An't Tüg, mit ehren Muck.
 Se heww'n infoahnte Rücken
 Un de beholl'n se uck.

„Jck denk, se war'n sich hōden,“ —
 Fāngt Schnieder Blink nu an, —
 „Dat kannst Du mi to glōwen
 Jck kenn dat, Ballermann.“

Wenn se sich nu uck fränken
 Un müchten uns an't Kleed,
 Se war'n doch doaran denken,
 Wo ehr jizund dat geht. —

Un wenn se't süll'n vergeten
 Un mull'n noah een poar Joahr
 Sich wedder mit uns meten,
 Denn sinn wi uck noch doa."

„So!! bist Du doa? dat freut mi!“ —

Fängt nu Fru Blinken an,
 De ehren Mann to hoalen,
 Nu mit de Riemkühl*) kamm. —

„Du bist mi groad de Rechte!
 Dat heet blot hier, bi'n Schluck,
 Doch nich bi de Franzosen,
 Insoahnte Zickenbuck!
 Wist Du to Hus Di scheeren,
 Du olle Liederjoahn!
 Sall ick Di up den Buckel
 Moal mit de Riemkühl koam'n?
 Wat hest Du rümm to driewen
 Di hier de halwe Nacht?
 Hest noch nich noog hüt soapen,
 Un Geld genoeg verbracht?

*) Reibe-Reule.

Ich möt mi afmarachen
 To Hus, doa mang de Jöhr'n,
 Wieldeß Du hier in't Wirthshus
 Deihst Dien Berdeenst vertehr'n,
 Un wenn de Nacht dörch soapen
 Un dörchgebummelt is,
 Denn ward des Doags geschloapen;
 De Kundschaft lu'rt unsüß
 Up de bestellte Arbeit,
 Du olle Bummler Du!
 Denkst Du nich an Dien Kinner,
 Un nich an Diene Fru?
 Wenn Du man hier kannst sitten
 Un supen Di en Kusch,
 Doch ick war Di dat moaken,
 Kumm mi man blot to Hus!"


„Fru Ballstädtch! Mutter Ballstädtch!“
 Keep Blink nu, in sien Noth —
 „Um Himmelswillen moakt doch
 Mien Fru man wedder good.
 De hett hüt ehren Kappel,
 Wenn de ward üm sich schloahn,
 Dat is noch dre moal düller
 As wenn't Franzosen foam'n.“

„Na hör'n se moal, Fru Blinken“ —
 Seggt Crischon Ballermann —

„Wenn se dörchut will'n zanken
 Mit ehren lewen Mann,
 Kün'n se woll solang töwen,
 Bet erst to Hus he wär;
 Hier will sich dat nich schicken,
 Un nu! de Kiewkül her!!“


„Joa woll!“ — säd nu Fru Blinken —
 „So fängt mit mi man an,
 Zi denken woll ick förcht mi?
 Ach ne, Fründ Ballermann!
 Wem mi de Kühl will nehmen,
 De frigg ens mit in'n Kopp.“
 „Loat doch de Her tofreden,
 Crischo!“ — seggt nu Fritz Block —
 „Dat Wiew, de hett den Düwel!
 Wenn ick uns' König wär:
 Dehr ick so'n Dart verbrufen
 In'n Krieg — as Franktiröhr.“






F. X. BEER
kgl. Hofbuchbin
in
MÜNCHEN
Lederergasse N





F. X. BEER
kgl. Hofbuchbinder
in
MÜNCHEN
Lederergasse N° 25.





F. X. BEER
kgl. Hofbuchbinder
in
MÜNCHEN
Lederergasse N° 25.



